



ISUMAQATIGISSLUT

Sulinermik Inuussutissarsiuteqartut Kattuffiata

aamma

Platou Fish Napasoq ApS

akornanni

2022 - 2023

Imarisai

§ 1 - Isumaqtigiissummi pineqartut.....	4
§ 2 - Piffissaq suliffiusoq.....	4
§ 3 - Akissarsiat	4
§ 4 - Soraarnerussutisiassanut akiliutissat taakkualu akilerneqartarnerat	5
§ 5 - Napparsimaneq	6
§ 6 - Qaangiuttoornerit aamma qaangiuttoornermut	7
taarsiullugu sulinngiffeqarnerit	7
§ 7 - Suliartoqquneqarataarsinnaanermut tapisiat.....	8
§ 8 - Immikkut tapit.....	8
§ 9 - Sapaatini nalliuutunilu tapisiat aamma nalliuuttuni ulluinnartigoortuni akissarsiat.....	8
§ 10 - Piffissamut suliffimmut nikisitaartumut aamma nikittaalluni sulinermut tapisiat.....	10
§ 11 - Atisat isumannaallisaatitallit il.il.....	10
§ 12 - Ukiut suliffiit malillugit akissarsiat qaffaatissaat	11
§ 13 - Nioqquissiorneq siuarsarniarlugu akissarsialersuineq	11
§ 14 - Suliamik unitsitsigallarneq	13
§ 15 - Assuarlersinnaatitaaneq	13
§ 16 - Akissarsiat tunniunneqartarnerat.....	13
§ 17 - Sulinngiffeqarneq sulinngiffeqarnersiillu	14
§ 18 - Qaammarsaanermut ilinniartitaanermullu aningaasaateqarfik, Sulinngiffeqarnermut atingaasaateqarfik, Isumaginninnermut aningaasaateqarfik.....	14
§ 19 - Toqukkut qimagaanersiutit.....	15
§ 20 - Meeqqap napparsimancerani sulinngikkallarneq.....	15
§ 21 - Meeqqap napparsimancerani sulinngikkallarnerit allat	16
§ 22 - Qinikkatut pisortanillu toqqakkatut suliassaqtitaaneq.....	16
§ 23 - Sulinngikkallarnerit immikkut ittut allat.....	17
§ 24 - Aaqqiagiinngissutit assigiinngitsuliorlunilu soraarsitsinerit.....	18

§ 25 - Sulisut sinnisaat pillugit malittarisassat.....	18
§ 26 - Naartuneq, ernineq qitornavissiartaarnerlu.....	19
§ 27 - Soraarniuteqarnermi soraarsitsiniarnermilu siumut ilisimatitsivissat.....	19
§ 28 - Piffissaq isumaqtigiissutip atuuffia.....	20

§ 1 - Isumaqtigiissummi pineqartut

Isumaqtigiissummi tassani pineqarput nioqqutissiornermi sulisut Platou Fish Napasoq ApS-imi nalunaaquttap akunnermusiaqarlutik sulisut tamarmik.

Imm. 2. Atorfinititsaaneq pissaaq isumaqtigiissut nalinginnaasoq illuatungeriinnit akuerisaq naaperlorlugu. Isumaqtigiissut nalinginnaasoq isumaqtigiissut manna malillugu sulisunut aaliangersimasumik atorfinititsitanut atorfinititsaagallartunullu atuuppoq.

§ 2 - Piffissaq suliffiusoq

Nalinginnaasumik piffissaq suliffiusoq: Ulluni arfineq marlunni (7), nalunaaquttap akunnerinik 40-nik sivisussuseqarpoq, ataasinngornermiit sapaat ilanngullugu naatsorsorneqartartoq. Allamik isumaqtigiissuteqartoqarsimatinngu piffissaq suliffiusoq: sapaatip akunnerata ulluini siullerni arfinilinni (6) inissinneqartassaaq, nal. 06.00-imit nal. 17.00-imut aammalu, sapaatip akunnerani tulliutumi nioqqutissiornerup aallartinneranut atatillugu sulinermi, sapaammi nal. 14.00-imit 23.00-imut, sapaatip akunnerani ulluni arfineq marlunni (7) nalinginnaasumik ullaqutaasussaq eqqarsaatigalugu.

Imm. 2. Piffissaq ullormut suliffiusartussaq sulisitsisumit aaliangersarneqartassaaq sulisartunik taakkualu sinnisaannik oqaloqatiginnereernikkut suliffimmut iluaqutaasussaq eqqarsaatigalugu.

Imm. 3. Unioqqutitsilluni suliartunngitsoornermi akissarsianik ilanngaasoqartassaaq bonusisiastullu taquassarsiassaagaluit pinngitsoorneqassallutik.

§ 3 - Akissarsiat

Akissarsiat 1. aprili 2019-imit atuuttut naapertorlugit Platou Fish Napasoq ApS-ip atuuttussanngortitai imaapput:

<u>Nioqutissiornermi sulisut nalunaaquattap akunnermusiallit:</u>	<u>Nalunaaquattap akunneranut</u>
18-inik ukioqalereersimasut:	1. apriili 2022-imit
18-inik ukioqalersimannngitsut:	1. apriili 2022-imit

<u>Imm. 2. Suleqatigiit siulersortaat nal. akunnermusiallit:</u>	<u>Nalunaaquattap akunneranut</u>
18-inik ukioqalereersimasut:	120,00 kr.
18-inik ukioqalersimannngitsut:	74,00 kr.

Imm. 3. Tamatuma saniatigut sulisut piffissaq akissarsiaqarfiusoq tamakkerlugu qanorluunniit unioq-qutitsillutik suliartunngitsoorsimannngitsut suliartortaannarnertik pillugu bonusisinneqartassapput.

§ 4 - Soraarnerussutisiassanut akiliutissat taakkualu akilerneqartarnerat

Isumaqtigiissut manna malillugu sulisut soraarnerussutisiaqalernissamik aaqqissuussinermut 1. januari 1994-imi pilersinneqartumut allatigullu SIK-mit atorneqartumut ilaapput.

Soraarnerussutisiassanut akiliutit naatsorsorneqassapput akissarsianit tamarmiusunit, tassa bonusit / akkordernersiutillu, tapisiaajunnartut 1. apriili 2022-imit atuuttut ilanggullugit, imaassallutik:

<u>Sulisitsisup akiliutissai:</u>	7,33 %
<u>Sulisup akiliutissai:</u>	3,67 %
Katillugit	11,00 %

Imm. 2. Soraarnerussutisiassat qaammammoortumik ataasiarluni SISA-mut akiliutigineqartassapput. Akiligassanngortinneqarnerisa kingornatigut ulloq piffissaq eqqorlugu akiliiffiusussaq kingulleg tas-saavoq qaammatip ulluisa qulingat.

§ 5 - Napparsimaneq

Sulisoq napparsimanini pissutigalugu suliaminik ingerlatsisinnaajunnaarpas tamanna pissuteqavilli-uni sulinnginnertut naatsorsuunneqassaaq. Pissuteqavillunili sulinnginnertut naatsorsuunneqarsin-naanngilaq sulisoq sulitilluni piaaraluni imaluunniit mianersuaalliorujussuarnermi kingunerisaanik sulisinnaajunnaarpas sulilernerminiluunniit peqquserlunniikkut nappaateqarnini nipangiuussimappa-gu.

Imm. 2. Napparsimalluni sulinngitsoornerup nakorsamit upternarsaaserneqarnissaa sulisitsisumit piumasarineqarsinnaavoq. Nakorsamit upternarsaatinut aningaasartuutit sulisitsisumit akilerne-qassapput.

Imm. 3. Sulisut nalunaaquttap akunnermusiallit piffissaq tamaat sulisut SIK-mullu ilaasortaasut napparsimanerminni ullormusiaqartinneqassapput.

Imm. 4. Ullormusiaqartitsisoqassaaq ulloq sulisinnaanngiffik siulleq aallarnerfigalugu. Ullut sulisup suliffigisassaatut pilersaarusiorneqarsimasut ullormusiaqartitsiffiussapput. Ullormusiaqartitsisoqar-sinnaavoq sivisunerpaamik sapaatip akunnerini 26-ni qaammatit tulleriiginnaat 12-it iluanni. Sulisinnaannginnerli sulinerup nalaani ajutoorermik pissuteqarpat ullormusiaqartitseqqittoqarsin-naavoq suli sapaatip akunnerini 13-ini.

Imm. 5. Ulormusiaqartitsineq unissaaq ullormi sulisup sulisinnaaleqqiffiani, sulisoq ingerlaannaq su-lilinngikkaluarpllunniit, aammalu sulisoq peqqissinerminik nalunaaruteqanngikkaluarpllunniit. Ullormusiaqartitsinerli nangissaaq sulisup sulisinnaaleqqikkaluarluni suliffigimi najugaqarfia qimallugu napparsimanermini katsorsartereerluni aqqutissaq pilertornerpaaq atorlugu suliffigiminut uternissaata tungaanut.

Imm. 6. Napparsimanerup nalaani soraarsitaanermi ulloq suliunnaarfissaq tikillugu ullormusiaqarti-taasinnaaneq atuutissaaq.

Imm. 7. Ullormusiat kr. 125,00-iupput, piffissamilu akissarsiorfimmi akissarsianut ilanngullugit SIK-mut ilaasortaasunut tunniunneqartassallutik.

Imm. 8. Atornerluisoqarpat aaqqissuussinerit pineqartut sulisunut ataasiakkaanut tunngatillugit atorunnaarsinneqarsinnaapput.

§ 6 - Qaangiuttoornerit aamma qaangiuttoornermut taarsiullugu sulinngiffeqarnerit

Qaangiuttoorneq sapinngisamik pinngitsoorniarneqassaaq. Piffissap nalinginnaasumik suliffiusup, tak. § 2, imm. 1, saniatigut sulilluni qaangiuttoornerusussatut naalakkiutigineqartumik nakkutigine-qartumillu sulilluni qaangiuttoornertut suliffiusumut nalunaaquattap akunnermusiamut imaluunniit bonusimut/akkordimut tapisiaq naatsorsorneqartassaaq. Tapisiaq nalunaaquattap akunnerinut tamanut § 3 tunngavigalugu nalunaaquattap-akunnermusiapi 50%-erissavaa.

Imm. 2. Qaangiuttoornersiaqarnermut taarsiullugu sulinngiffeqartoqarsinnaavoq sulisartup sulisitsisulu isumaqatigiinneratigut. Qaangiuttoorsiaqarnissaraluamut taarsiullugu sulinngiffigineqassapput nalunaaquattap akunneri qaangiuttoorfiusut amerlaqataat 50%-inik ilallugit. Qaangiuttoornersiaqarnermut taarsiullugit sulinngiffigisassat katarsorneqassapput nalunaaquattap akunnerisa qaangiuttoorfiusut affaasa aallartinneri tamaasa.

Imm. 3. Qaangiuttoorneq sulinngiffeqaataassaaq/akilerneqassaaq aatsaat piffissami akissarsiaqarfiusumi piffissaq suliffiusoq naammassineqareerpat.

Imm. 4. Sulinermut piffissamit akissarsiaqarfiusumit sivikinnerusimasumut piffissaq suliffiusoq nalinginnaasoq naatsorsorneqassaaq, imm. 3 naapertorlugu, ullut suliffiusut nalinginnaasut nalunaaquattap akunnerinik arfineq pingasunniq (8) gangerlugit.

Imm. 5. Sulilluni qaangiuttoornissaq suliffiup nalinginnaasup naanissaa nalunaaquattap akunnerinik sisamanik (4) sioqqullugu nalunaarutigineqartassaaq. Sioqqutsilluni nalunaaruteqartoqarsimann-gippat sulilluni qaangiuttoornermik nalunaaquattap akunneranik ataatsimik sulilluni qaangiuttoornerpiat saniatigut akissarsitsisoqassaaq.

Imm. 6. Sulilluni qaangiuttoornernut ullup suliffiusup nalinginnaasup suliffissatut ileqquusumik sivisussusia ikinnerpaamik nalunaaquttap akunnerinik sisamanik (4) sinnerlugu sivisussuseqartunut, sulilluni qaangiuttoornerpiat qaavatigut qaangiuttoornermik nalunaaquttap akunneranik ataatsimik (1) akissarsitsisoqassaaq.

Imm. 7. Sulisoq piffissap suliffiusup nalinginnaasup avataatigut suliartoqquneqarpat – sumiiffiup suliffigisap qimanneqareerneratigut imaluunniit ulluni suliffiusussaanngikkaluartuni – ikinnerpaamik nalunaaquttap akunnerinut sisamanut (4) akissarsitsisoqassaaq.

§ 7 - Suliartoqquneqarataarsinnaanermut tapisiat

Sulisartunut aqunneqarsinnaanngitsumik imaluunniit aqukkuminaatsumik qaangiuttoortartunut ukununnga taarsiullugu suliartoqquneqaratarsinnaanermut tapisisitsisoqarsinnaavoq:

1. Qaangiuttoornersiutinut § 6-imí taaneqartunut,
2. Sapaatini nalliuuttunilu sulinermi akissarianut § 9-mi taaneqartunut, aammalu
3. Piffissani nikisitaartuni sulinermi tapisionut § 10-mi taaneqartunut.

Suliartoqquneratarsinnaanermut tapisiap angissusissaa illuatungeriit isumaqtigiissuteqartartut isumaqtigiinniarnerisigut aaliangerneqassaaq.

§ 8 - Immikkut tapit

Pissutsini immikkut ittuni aammalu sulisitsisup sulisullu sinnisuata isumaqtigiinniarnerisigut sulisoq inummut namminermut tunngasumik tapisiaqartinneqarsinnaavoq.

§ 9 - Sapaatini nalliuuttunilu tapisiat aamma nalliuuttuni ulluinnartigoortuni akissarsiat

Sapaatini nalliuuttunilu sulinermi nalunaaquttap akunnermusiaq tapeqartinneqassaaq. Tapisiaq § 3 - akissarsiat naapertorlugu nalunaaquttap akunneranut akissarsiap 50 %-erissavaa.

Qaangiuttoorneruppat § 5 imm. 1 naapertorlugu qaangiuttoornermut tapisisitsisoqassaaq imaluunniit qaangiuttoornersianut taarsiullugu sulinngiffeqartoqassalluni § 5 imm. 2 naapertorlugu.

Imm. 2. Nalliuttuni ulluinnartigoortuni tapisiat:

- | | |
|---|------------|
| • Ullormut ilivitsumut akissarsiaritinneqassapput | 200,00 kr. |
| • Ullormut affarmut | 100,00 kr. |
| • Nioqqutissiornermi sulisunut 18-it inorlugit ukiulinnut | |
| ○ ullormut ilivitsumut: | 100,00 kr. |
| ○ Ullup affaanut: | 50,00 kr. |

Imm. 3. Nalliuttumi ulluinnartigoortumi sulinermi akissarsisitsisoqassaaq imm. 2 malillugu, isumaqtigiissutit naapertorlugit akissarsiat nalinginnaasut saniatigut.

Imm. 4. Ullut nalliuttutut naatsorsuutigineqartut tassaapput:

- a) Kunngit pingasut ulluat 6. januaari (nal. 12-imit),
- b) Sulisartut nunani tamalaani ulluat 1. maaji (ulloq tamaat),
- c) Inuiattut ullorsiorfik, 21. juuni,
- d) Juulliaraq, 24. decembari,
- e) Juullip ullua, 25. decembari,
- f) Juullip aappaa, 26. decembari,
- g) Ukiutoqaq, 31. Decembari,
- h) Ukiortaaq, 1. Januaari,
- i) Sisamanngorneq illernartoq,
- j) Tallimanngorneq tannaartoq,
- k) Poorski,
- l) Piinsip ullua aamma piinsip aappaa,
- m) Qilaliarfik,
- n) Tussiarfissuaq.

§ 10 - Piffissamut suliffimmut nikisitaartumut amma nikittaalluni sulinermut tapisiat

Piffissaq suliffiusussaq piffissat § 2, imm. 1-imi taaneqartut avataannut inissinneqarpata, imaluunniit suleqatigikkuutaarluni nikittaalluni sulisoqarpat makkuninnga tapisiaqartitsisoqassaaq:

- a) Piffissamut 15.30 - 01.00-ip akornanniittumut: nalunaaquttap akunneranut 5,00 kr.
- b) Piffissamut 01.00 - 06.00-ip akornanniittumut: nalunaaquttap akunneranut 15,00 kr.

Imm. 2. Qaangiuttoorneq piffissami nikisitaartumi nikittaalluni sulinermi pigaangat qaangiuttoornersianut taarsiullugu sulinngiffeqartitsisoqassaaq § 6 imm. 2 tunngavigalugu, imaluunniit qaangiuttoornersiaqartitsisoqassaaq § 6 imm. 1 tunngavigalugu, imm. 1-imi tapisanut taarsiullugu.

Imm. 3. Qaangiuttoorneq nikittaalluni sulinermi nikinnerit aappaannut pingajuannullu pigaangat imm. 1 tunngavigalugu nikittaannermi tapisiassat kingulliit aamma § 6 imm. 2 tunngavigalugu qaangiuttoornersianut taarsiullugu sulinngiffeqartitsinerit malillugit pineqassapput, imaluunniit § 6, imm. 1 tunngavigalugu qaangiuttoornermut tapisisitsisoqassalluni.

§ 11 - Atisat isumannaallisaatitallit il.il.

Isumannatsuunissaq eqqiluisaarnissarlu pilligit atorneqartariaqartut sulisitsisup sulisunut akeqanngitsumik atugassanngortissavai:

- aaqqatit,
- kamippaat immikkut ittut,
- atisat oqorsaatit,
- saaliaqutit gummiusut il. il.

§ 12 - Ukiut suliffiit malillugit akissarsiat qaffaatissaat

Nalunaaquttap akunnermusianut, taamattaarlu bonusianut, ilangunneqassapput ukiut suliffiit malillugit akissarsiat qaffatissaattut tapisiassat imaattut:

- | | | |
|--|------------------|----------|
| a) Sulisartoq suliffimmi taannaasumi ataannartumik ukioq ataaseq (1) | sulisimappat | 3,00 kr. |
| b) Ukiut tallimat (5) | sulereersimappat | 5,00 kr. |
| c) Ukiut arfineq pingasut (8) | sulereersimappat | 7,00 kr. |

Imm. 2. Ukiut suliffiit malillugit akissarsiat qaffatissaattut tapisiat tunniunneqartassapput suliffimmi taannaasumi sulisimaneq tunngavigalugu. Sulisartup sulitsisullu isumaqtigisiissuteqarneratigut sulifimmit suliffimmut allamut toqqaannartumik nuuttut ukiut suliffiit malillugit qaffatissatut tapisia-sarilersimasatik tigummiinnassavaat.

Imm. 3. Sulitsisumi taannaasumi ataannartumik sulisimagaanni sulinngiffeqarnikkut, napparsimanik-kut, erninikkut qitornavissiartaarnikkullu kiisalu qinikkatut pisortanillu toqqakkatut suliassaqartitaanik-kut sulinngikkaluarluni ukiut suliffiit malillugit akissarsiat qaffatissaat katarsorneqassapput.

Imm. 4. Sulisunik nutaanik atorfinitssinermi aamma atorfinitseqqinnerni imm. 2 naapertorlugu su-lisitsup sulisullu isumaqtigisiissutigisimangisaanni inissinneqarneq tamatigut trin siullermiittassaaq (1), kisianni takuuk imm. 1 litra a).

§ 13 - Nioqqutissiorneq siuarsarniarlugu akissarsialersuineq

Illuatungeriit isumaqtigisiissutigaat nioqqutissiorneq siuarsarniarlugu akissarsialersueriaatsinik sapinn-gisamik annerpaamik atuisoqassasoq, pingaartumik bonusitsisarneqakkorderttsisarnerlu eqqarsaa-tigalugit. Bonusit/akkorderttsisarneq pillugit isumaqtigisiissutini ataasiakkaani tamani isumaqtigisi-sutigineqartassaaq pissutsit immikkut ittut suut aaqqissuussinermi atuutissanersut.

Imm. 2. Bonusitsisarneq akissarsissutissanik imaattunik katitigaassaaq:

- a) Akissarsiassaq aalajangersimasoq nalunaaquttap akunneranut.

b) Akissarsiassaq allanngorartoq (bonusitut tapisiaq) nioqquissiornerulerlernermi nalunaaquttap akunneranut atorneqartumut.

Imm. 3. Bonus/akkorderluni suliaqarnermi siumoortumik akissarsisitsisoqartassaaq sulisartup pineqartup § 3 naapertorlugu nalunaaquttap akunneranut akissarsiassasa amerlaqataannik, bonus /akkordimik suliat naatsorsorneqarnerat piffissami akissarsiffiusumi pineqartumi ullormut akissarsiffissamut nalinginnaasumut naammassineqarsinnaanngikkaangata. Taamatut siumoortumik akissarsiat bonus /akkordimik naatsorsuinerup naammassinerani ilanngaatigineqartassapput.

Imm. 4. Bonusinik aaqqissuussinerni aamma ataatsimoorluni akkordernerni, allamik isumaqatigiissuteqartoqarsimannngippat, bonusiassat akkordernersiassallu agguataarneqassapput nalunaaquttap akunneri peqataasut ataasiakkaat suliffigisimasaat tunngavigalugit.

Imm. 5. Bonus/akkorderluni suliaqarnermi piumasaavoq suliap ajunngitsumik naammassineqarnissaa aammalu sakkut nalinginnaasut saniatigut atortussat sakkussallu pisariaqartut piareersimanissaat. Utqqineq, atortussanik sakkussanillu assartuinerit kiisalu sulinerup nalaani akornutissat naatsorsuutigine-qanngitsut kingunerisaannik kinguartoorneq sulisartut ataasiakkaat nalunaaquttap akunnermusian-nik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup pi-umasaqarneratigut allanngortinneqarpat sulisartoq nalunaaquttap akunnermusiassaminik kiisalu suli-nerup allanngortinneqarnerata kingunerisaanik sivtsortoornermut tapisiassaminik pisassaqartitaavoq.

Imm. 6. Teknikkikkut atortorissaarutit nutaat allalluunniit naatsorsuinermut tunngavissanik allan- ngortitsippata illuatungeriit pisinnaatitaapput bonus/akkorderluni suliaqarnermut isumaqatigiissutit isumaqatigiinniutigineqaqqinnissaannik piumasaqarnissaminnut. Isumaqatigiittoqarsinnaanngippat isumaqatigiissut qaammatip ataatsip (1) qaangiunnerani atorunnaartussanngorlugu nalunaarutigi-neqarsinnaavoq. Isumaqatigiissut atorunnaarpat suliassat pineqartut isumaqatigiissutit nalinginnaasut naapertorlugit nalunaaquttap akunnermusiaqarluni suliassatut akissarsiaqaatigineqalissapput.

Imm. 7. Misiligutaasunik nioqquissiornerni atugassarititaasussanik allanik, aamma akissarsianik aali-angersaasarneq pillugu isumaqatigiissuteqartoqarsinnaavoq isumaqatigiissutinit atuuttunit allaane-rusunik.

§ 14 - Suliamik unitsitsigallarneq

Sulisartoq sulinermi nalaani sila pissutigalugu unitsinnejartoq, allamillu suliassinneqarsinnaanngit-soq, minnerpaamik ullormut nalinginnaasumik sulinermut akissarsiaqartinnejassaaq, angerlartitaanera piffissap suliffiusup pisarnertut aallartinnerani pigaluarpalluunniit.

Imm. 2. Aalisakkerivinni sulisartut, piffissap suliffiusup nalinginnaasup aallartinnerani suliartoqqusaa-simagaluartut, maskiinarliulerneulli kingorna nioqqtissiassaaleqilerneq pissutigalugu angerlartinne-qartut, sulinivittulli akissarsitinneqassapput, minnerpaamilli nalunaaquttag akunnerinut sisamanut (4).

§ 15 - Assuarlersinnaatitaaneq

Imm. 1. SIK assuarlersinnaatitaavoq isumaqaruni sulisartut ulluinnarni piffissap suliffiusussap inissi-simanissa aamma arfininngornermi sulinngiffeqartarnissamik aaqqissuussinerit pillugit kissaatigi-simasaat suliffeqarfimmuit iluaqutaasussanut akornutaanngitsumik pinissaannik naammattumik tunngavilersorneqarsimannngitsut.

Imm. 2. Nalornissutigineqalerpat sulisoq tapisianik §§ 5-imit 13-imut taaneqartunik tapisiaqartin-neqarsinnaanersoq, sulisullu sinniisuat aqqutigalugu tamanna pillugu saaffiginnissutit naammagi-nartumik angusaqarfiunngippata, suliassaq Isumaqatigiisummi tunngaviusumi malittarisassat naa-pertorlugit sularineqassaaq.

§ 16 - Akissarsiat tunniunneqartarnerat

Piffissaq akissarsiaqarfiusoq ullunik 14-inik sivisussuseqarpoq, naatsorsorneqartassalluni ataa-sinngornermit sapaatip akunnerata tulliani sapaammut.

Imm. 2. Sulisartup Kalaallit Nunaanni imaluunniit Danmarkimi aningaaserivimmi konto akissarsianik nakkartitsiviusinnaasoq nalunaarutigissavaa. Akissarsiassat tiguneqarsinnaalissapput piffissap akis-sarsiaqarfiup naanerata kingornatigut tallimanngornermi.

Imm. 3. Ulloq nalinginnaasumik akissarsiffissaq nalliuuttuusimappat ulluinnarmi nalliuuttup siuliani akissarsisitsineqassaaq.

§ 17 - Sulinngiffeqarneq sulinngiffeqarnersiutillu

Sulisoq Sulinngiffeqarneq pillugu Inatsisartut inatsisaat nr. 10, 12. novembari 2001-imeersumi malittarisassat tunngavigalugit ukiumoortumik sulinngiffeqarnissaminut pisinnaatitaaffeqarpoq. Inatsisartut inatsisaanni § 2 naapertorlugu malittarisassat matuma kingulianiittut isumaqatigiissutaapput.

Imm. 2. Sulisartoq akissarsiarisimasami 12,5 %-iinik sulinngiffeqarnersiutigisinnaasaminik katersisiaaq.

Imm. 3. Sulinngiffeqarnersiutinik pisassanik piumasaqarneq sulisitsisumut saqqummiunneqassaaq kingusinnerpaamik ukiup sulinngiffeqarfiup naaneraniit qaammatit pingasut (3) qaangiutsinnagit. Taamaattoqarsimannngippat aningaasat SIK-p Sulinngiffeqarnermut Aningaasaateqarfianut ingerlatinneqassapput.

§ 18 - Qammarsaanermut ilinniartitaanermullu aningaasaateqarfik, Sulinngiffeqarnermut aningaasaateqarfik, Isumaginninnermut aningaasaateqarfik

Aningaasaateqarfiiit uku akiliuteqarfingineqassapput ullormit isumaqatigiissuteqarfiusumit atuutilersusamik:

- Qammarsaanermut ilinniartitaanermullu aningaasaateqarfik
Nalunaaquttap akunneranut suliffiusumut ataatsimut 0,25 kr.-imik.
- Sulinngiffeqarnermut aningaasaateqarfik
Nalunaaquttap akunneranut suliffiusumut ataatsimut 0,45 kr.-imik.
- Isumaginninnermut aningaasaateqarfik
Nalunaaquttap akunneranut suliffiusumut ataatsimut 0,35 kr.-imik.

§ 19 - Toqukkut qimagaanersiutit

Sulisartoq atorfeqarnermi nalaani toquppat aappaanut katissimasaanut imaluunniit qitornaanut 18-it inorlugit ukiulinnut qimagaasunut toqusup pilersugassarisimasaanut qimagaanersiutit uku tunniunneqassapput:

Suliffimmi ataatsimi sulisimagaanni:

Ukioq ataaseq (1)	Sapaatip akunneri pingasut (3) akissarsiassat
Ukiut marlut (2)	Sapaatit akunneri sisamat (4) akissarsiassat
Ukiut tallimat (5) sivisunerusumillu	Sapaatit akunneri tallimat (5) akissarsiassat

§ 20 - Meeqqap napparsimanerani sulinngikkallarneq

Sulisoq piffissaq tamakkerlugu imaluunniit piffissap ilaannaani akissarsiaminik annaasaqarnani sulinngikkallarsinnaatitaavoq meeqqap ukiukitsup napparsimanerani ulluni marlunni paarsinissam-nut.

Ulloq meeqqap napparsimaffia siulleq ima paasineqassaaq ulloq suliffiusoq ilivitsoq siulleq mee-q-qap napparsimanera pillugu sulinngitsoorfiusariaqartoq. Meeqqap ukiukitsup napparsimalernera pillugu piffissaq suliffiusoq aallartereersoq sulisoq aggeqquneqarpat tamanna ullortut meeqqap napparsimaffiatut siullertut naatsorsuunneqassanngilaq, kisianni pissuteqarluni sulinnginnertut akissarsianik annaasaqaataasussaanngitsutut.

Imm. 2. Sulinngikkallarsinnaatitaanermi piumasaqaataavoq:

- a) Ullut tassaasut meeqqap napparsimaffii ullut marluk.
- b) Meeqqap atugarisai eqqarsaatigalugit tamanna pisariaqarpat.
- c) Meeraq angerlarsimasuuvoq.
- d) Meeraq annerpaamik 14-inik ukioqarpoq.

Imm. 3. Meeqqap napparsimanerani ullormi siullermi sulinnginnej napparsimanernik allattuiffimmi ilisimatitsissutigineqassaaq.

Imm. 4. Atornerluinermi aaqqissuussineq sulisunut ataasiakkaanut atortussajunnaarsinneqarsinnavoq.

Imm. 5. Akissarsianik annaasaqaataanngitsumik sulinngikkallarnermi nalunaaquttap akunneranut akissarsiaqartitsisoqassaaq ullormi pineqartumi nalunaaquttap akunneranut akissarsiat nalingin-naasut aallaavigalugit, tapisiallu aalajangersimasut ilanngullugit.

Imm. 6. Sulisut ukiumi affarmi sulereersimasut aammalu imm. 2 c aamma d-mi piumasaqaatinik naammassinnittut qaammatisiutit malillugit ukiumut ilivitsumut ullunik isumaginnifinnik marlunnik (2) pisinnaatitaapput.

§ 21 - Meeqqap napparsimanerani sulinngikkallarnerit allat

Meeqqap 0-imit 16-it angullugit ukiullip illoqarfimmi napparsimavimmi imaluunniit angerlarsimafimmi imaluunniit illoqarfimmi allami unittariaqalernerani sulisoq ukiumi ataatsimi sulereersimaguni periarfissinneqassaaq ullut aqqaneq marlut (12) tikillugit akissarsiaminik annaasaqarani sulinngikkallarnissaminut, meeqqap napparsimmaivimmut unitsitaanerani Peqqinnissaqarfiup akligaanik angalanermi ingallortitut.

Imm. 2. Meeqqap napparsimavimmut unitsitaanera angajoqqaallu unitsitaaqataanerat ingiallortitullu angalaqataanerat upternarsarneqassapput.

Imm. 3. Immikkut illuinnartumik pissutissaqartillugu nakorsamillu upternarsarneqarpat sulinngikkallarneq sivitsorneqarsinnaavoq ullut tallimat (5) tikillugit.

§ 22 - Qinikkatut pisortanillu toqqakkatut suliassaqartitaaneq.

Isumaqtigiissut manna tunngavigalugu sulisut pisariaqartitsineq tunngavigalugu akissarsiaqarnatik sulinngikkallarsinnaatitaapput makkuninnga suliaqarnissaq siunertaralugu:

- a) Inatsisartunut ilaasortaaneq,
- b) kommunalbestyrelsimit ilaasortaaneq,
- c) ilagiat sinniisuinut ilaasortaaneq
- d) atuarfijit siulersuisuinut imaluunniit sunngiffimmi ataatsimiititaliamut ilaasortaa-neq,
- e) kredsdommeriuneq,
- f) eqqartuusseqataasartuuneq,
- g) eqqartuussivimmi illersuisuuneq,
- h) pisortanit suliassaqartitaanerit allat pisortanit suliakkiutigineqartut SIK-p immikkoortortaqarfii ni siulersuisuni ilaasortanut imaluunniit SIK-p siulersuisu-nerini ilaasortanut aamma SIK-p Inuuusuttaasa siulersuisuinut.

Imm. 2. Imm. 1 tunngavigalugu suliffigisamit qimagussimaneq piffissami nalinginnaasumik suliffiusssaagaluartumi qaangiuttoornersiaqarfissaq sioqqullugu pisoq sumiginnaanertut isigineqassangilaq. Suliffimmit qimagussimanissaq sapinngisamik sioqqutsilluarluni sulisitsisumut nalunaarutigineqartassaaq.

§ 23 - Sulinngikkallarnerit immikkut ittut allat

Sulisut ilaquattamik qanigisamik perulullutik napparsimanageranni, toquneranni ilisaanerannilu akiliunneqarlutik angalasinnaatitaapput nalinginnaasumillu akissarsiatik pigiinnarlugit sulinngikkallarsinnaatitaallutik malittarisassat matuma kinguliiniittut naapertorlugit:

Sulisunut ikinnerpaamik ukiumi affarmi suliffeqarfimmi sulisooreersimasunut qinnuteqaateqareer-nikkut ilaquattat qanigisat ilisaaneranni akissarsiatik nalinginnaasut pigiinnarlugit sulinngikkallarsinnaatitaapput ulluni suliffiusuni arfineq pingasuni (8). Taamatuttaaq angalanermut akiliussisoqassaaq ilaquattat qanigisat ilisaaneranni, ilisineq Kalaallit Nunaanni illoqarfimmi nunaqarfim-miluunniit allami imaluunniit Danmarkimi pisussaappat. Sulinngikkallarnernut siuliini taaneqartunut nalinginnaasumik angalanerup sivisussusia ilanngunneqartassaaq.

Imm. 2. Sulinngikkallarnissamik aamma akiliunneqarluni angalanissamik qinnuteqaat allaganngor-lugu sulisitsisumut tunniunneqassaaq.

Imm. 3. Ilaquttat qanigisat tassaapput: angajoqqaat, aappat katissimasat taamatulluunniit naatsorsuussat, qitornat qatanngutillu, kisianni aapparisap katissimasap taamatulluunniit naatsorsuussap ilaqtai pinnagit.

Imm. 4. SIK-p siulersuisuunerinut aamma SIK-p Inuuusuttaasa siulersuisuunerinut ilaasortat SIK-p siulersuisuunerisa ataatsimiinnerinut peqataanerminnut atatillugu akissarsiaqarlutik sulinngissin-naatitaapput amerlanerpaamik ukiumut sisamarlarlutik (4). Sulinngikkallarnerup nalaani akissarsi-aqartitsisoqassaaq pineqartup nalinginnaasumik nalunaaquattap akunneri suliffigisagai nalingin-naasumillu nalunaaquattap akunneranut akissarsiarisartagai tunngavigalugit, tapisiat aalajangersimasut ilanngullugit.

Imm. 5. SIK-p immikkoortortaqarfiini siulersuisunut aamma SIK-p siulersuisuunerinut SIK-p Inuuusuttaasalu siulersuisuunerinut ilaasortat akissarsiaqarnatik sulinngikkallarnissartik kissaatigippassuk tamanna akuerineqartariaqarpoq. Taamatut sulinngikkallartitsisoqarsinnaavoq ukiut ataasiakkaarlugit (1).

§ 24 - Aaqqiagiinngissutit assigiinngitsuliorlunilu soraarsitsinerit

Aaqqiagiinngissutit Naalakkersuisut aamma Sulinermik Inuuussutissarsiuteqartut Kattuffiata (SIK) tunngaviusumik isumaqatigiissutaanni malittarisassat atuuttut naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermi assigiinngitsuliorqassanngilaq. Tamanna pillugu aaqqiagiinngissutit tunngaviusumik isumaqatigiissummi qualaani taaneqartumi malittarisassat naapertorlugit suliarineqartassapput.

§ 25 - Sulisut sinniisaat pillugit malittarisassat

Isumaqatigiissut manna malillugu sulisuuusut sulisut sinniisaat pillugit Naalakkersuisut, Finansministeriap aamma Sulinermik Inuuussutissarsiuteqartut Kattuffiata (SIK) isumaqatigiissutaannut qa-qugukkulluunniit atuuttumut ilaapput.

§ 26 - Naartuneq, ernineq qitornavissiartaarnerlu

Isumaqtigiissummi matumani illuatungeriit naartunermut, erninermut qitornavissiartaarnermullu atatillugu immikkut isumaqtigiissuteqanngillat. Tamatumani innersuussutigineqaannassaaq naartuneq, ernineq qitornavissiartaarnerlu pillugit Inatsisartut inatsisaat qaqugukkulluunniit atuuttoq pineqarluni.

§ 27 - Soraarniuteqarnermi soraarsitsiniarnermilu siumut ilisimatitsivissat

Atorfeqarnermi qaammammi siullermi (1) sulisitsisoq sulisartorluunniit pisussaatitaanngillat atorfeqarnermik unitsitsinissamut tunngatillugu siumut ilisimatitsereernissamut.

Imm. 2. Nioqqtissiornermi sulisunut atuupput soraarsitsinissamik/soraarnissamik siumut ilisimatitsereernissamut piffissaritit uku:

	<u>Sulisitsisumit:</u>	<u>Sulisartumit:</u>
Ukiumi siullermi (qaammat siulleq pinnagu)	Sap. akun. marlut	Ullut 3
Ukiuni marlunni / pingasuni / sisamani / tallimanilu	Sap. akun. sisamat	Sap. akun. marlut
Kingornatigut:	Sap. akun arfinillit (6)	Sap. akun. pingasut

Imm. 3. Soraarniuteqarnermut / soraarsitsinermut siumoortumik nalunaaruteqarnissamut piffisarititaasut imm. 2-miittut sulisunut suliffeqarfimmi ataatsimi kipisaqattaanngitsumik suliffeqarsimasunut atuupput. Pissutsilli makku kipititsisutut naatsorsuunneqanngillat:

- a) napparsimaneq erngerluni kingusinnerpaamillu nalunaaquttap akunnerisa 24-t qaangutinnginneranni suliffimmut nalunaarutigineqartoq,
- b) naartuneq, ernineq qitornavissiartaarnerlu pillugit Inatsisartut inatsisaat naapertorlugu qimagussimaneq,
- c) suliamik unitsitsineq maskiinat uninnerannik, atortussanik amigaateqalernermik, nioqqtissiassanik amigaateqalernermik assingusunilluunniit pissuteqartoq, sulisoq neqerorfigineqarluni suleqqilersimappat.

Imm. 4. Soraarsitsinissamut siumoortumik nalunaaruteqarnissaq atorunnaassaaq sulisup paarsiner-

lunneratigut imaluunniit suliamik unitsitsineq, atortussanik amigaateqalerneq pisullu allat sunniute-qarfigisinnaanngisatut isigineqartut (force majeure) pissutigalugit suliunnaarnikkut ingerlatsineq tamakkiisumik ilaannakortumilluunniit unippat.

Imm. 5. Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

§ 28 - Piffissaq isumaqatigiissutip atuuffia

Sumiiffimmi isumaqatigiissut manna atuutilissaq 1. aprili 2022.

Isumaqatigiissut illuatungeriinnit tamanit atorunnaarsinneqarsinnaavoq marsip 31-anut qaamtinik pingasunik (3) siumut ilisimatitsereerluni, siusinnerpaamilli 31. marsi 2023.

Nuuk, ulloq 1. april 2022


Sulinermik Inuussutissarsiuteqartut Kattuffiat



Jokum Zeeb

Siulittaasup tullia

Platou Fish Napasoq ApS



Mads Petersen

Tuniniaanermi Ingerlatsinermilu siunnersorti